



Glosarij CD d.o.o.

Rajlovačka 14B, 71 000 Sarajevo

info@glosarijcd.ba

Metodološke bilješke

Uz izvještaj o transferu vrijednosti prema zdravstvenim radnicima I zdravstvenim organizacijama u skladu sa EFPIA Kodeksom za 2022. godinu

1. PREDMET I CILJ

Predmet ove metodološke bilješke je transparentan prikaz kreiranja izvještaja o transferu vrijednosti prema zdravstvenim radnicima (HCP) i zdravstvenim organizacijama (HCO). Sa zdravstvenim radnicima i zdravstvenim organizacijama sarađujemo u cilju širenja informacija i znanja o novim terapijskim praksama, a u cilju bolje dostupnosti zdravstvene zaštite za pacijente.

2. DEFINICIJE

Zdravstveni radnik (HCP) - Lica koja imaju obrazovanje zdravstvenog usmjerenja na medicinskom, stomatološkom, farmaceutskom ili farmaceutsko-biohemijском fakultetu, fakultetu zdravstvenih studija i srednjim školama zdravstvenog usmjerenja, a koji propisuju, prodaju, odnosno izdaju lijekove, koji vrše nabavku lijekova za apoteke i druge zdravstvene ustanove, odnosno privatnu praksu ili na bilo koji drugi način utječu na nabavku ili upotrebu lijekova i druga stručna lica u oblasti proizvodnje i prometa lijekova i medicinskih sredstava na veliko i malo kao i osobe u organima upravljanja zdravstvenih ustanova. Zajedno sa stručnim osobama zaposlenim u ministarstvima zdravlja, u organizacijama zdravstvenog osiguranja i Agenciji za lijekove i medicinska sredstva BiH, te drugim institucijama države, entiteta, kantona ili nižih organa vlasti, čine stručnu javnost.

Zdravstvena organizacija (HCO) - Pravno lice sa sjedištem u Bosni i Hercegovini koje je osnovano i posluje temeljem važećih zakona i propisa koji uređuju materiju obavljanja zdravstvene djelatnosti u BiH (npr. bolnice, domovi zdravlja, zdravstveni centri i institucije i slično) obrazovne i naučne organizacije zdravstvenog usmjerenja (npr. medicinskog, stomatološkog, farmaceutsko-biochemijskog i sličnog usmjerenja) u kojima se izvodi nastavni, istraživački ili znanstveni rad; strukovne organizacije zdravstvenih radnika u koje se zdravstveni radnici učlanjuju na osnovu propisa o zdravstvenim profesijama; udruženja i ostali oblici dobrovoljnog učlanjivanja zdravstvenih radnika, nezavisno od pravne forme organiziranja, u svrhu ostvarenja posebnih interesa.

Primatelj - Zdravstveni radnici i Zdravstvene Organizacije

Prenos vrijednost - Direktni ili indirektni transfer vrijednosti, u novcu, uslugama, stvarima ili na drugi način učinjen iz promotivnih ili drugih svrha, u vezi sa razvojem i prodajom Lijekova koji se izdaju na recept isključivo za upotrebu kod ljudi. Izravni prenosi vrijednosti su oni koji su izvršeni od strane Kompanije članice u korist primaoca, ili prenosi vrijednosti kod koje član vrši putem posrednika i kod kojeg Kompanija članica zna ili može identificirati Zdravstvenog radnika ili Zdravstvenu organizaciju koja će se ostvariti korist od prenosa vrijednosti.

3. ZAŠTITA PODATAKA

Kompanija Glosarij CD d.o.o. u potpunosti poštuje privatnost i sigurnost ličnih podataka, stoga su pojedinačne objave podataka o prenosu vrijednosti pojedinom zdravstvenom radniku regulisane lokalnim propisima o zaštiti ličnih podataka. Svaki zdravstveni radnik mora dati saglasnost za prikupljanje i obradu ličnih podataka, kao i saglasnost za objavljivanje primljenih prenosa vrijednosti. Ukoliko nije dobijena pojedinačna saglasnost za objavljivanje primljenih prenosa vrijednosti, Glosarij CD d.o.o. će podatke o prenosu vrijednosti objaviti kao zbirni iznos koji će obuhvatiti sve zdravstvene radnike koji nisu dali saglasnost.

Zdravstveni radnik ima pravo u svakom trenutku povući svoju saglasnost za neki prijenos vrijednosti. Ako se to dogodi prije službene objave, tada će se svi prijenosi vrijednosti koji se odnose na tog određenog zdravstvenog radnika objaviti u zbirnom dijelu izvještaja.

4. VRSTE PRENOSA VRIJEDNOSTI

Prenosi vrijednosti u korist Zdravstvenih organizacija obuhvataju sve isplate izvršene u vezi sa sljedećim aktivnostima:

- Donacije iz čl. 15. Kodeksa ponašanja inovativnih proizvođača lijekova,
- Iznos sponzorstva iz ugovora o sponzorstvu između Proizvođača lijeka i Zdravstvene Organizacije ili treće osobe koja u ime i za račun Zdravstvene Organizacije ili treće osobe koja u ime I za račun Zdravstvene Organizacije organizira Sastanak.

Prenosi vrijednosti u korist Zdravstvenih radnika obuhvataju sve isplate izvršene u vezi sa sljedećim aktivnostima:

- troškovi registracije
- troškovi Gostoprinstva, uz uvažavanje izuzetka iz čl. 19.2.(b) Kodeksa ponašanja inovativnih proizvođača lijekova;
- iznos naknada za usluge Zdravstvenih Radnika iz čl. 16.1. i 16.1.2. (ako je identitet Zdravstvenog radnika koji sudjeluje u aktivnostima istraživanja tržišta poznat Proizvođaču lijekova) ovoga Kodeksa isplaćene na osnovu ugovora o pružanju usluga sa Zdravstvenim Radnicima i iznos svih ostalih primanja koji se ne mogu podvesti pod naprijed navedene kategorije aktivnosti. U tom će se slučaju odvojeno objaviti (a) vrijednost isplaćene naknade za usluge Zdravstvenog radnika; (b) vrijednosti troškova vezanih uz izvršavanje odnosne usluge, ako su ugovoreni.

5. PERIOD IZVJEŠTAVANJA I VALUTA

Svi podaci objavljuju se u valuti Konvertibilna marka (KM), jer je to službena valuta zemlje u kojoj se obavlja djelatnost kompanije.

Isplata naknada podrazumijeva i uplatu pripadajućih poreza. Iznosi navedeni u objavi su neto iznosi.

Objavljeni podaci odnose se na prenose vrijednosti za 2022. Godinu, od januara do decembra 2022. godine.